

Maart 2022

VIER RIVIERE-VAART: Saar, Moesel, Ryn en Neckar

29 Julie – 09 Augustus 2022

NADERE BESONDERHEDE

Prys: R61 780 plus lughawebelasting en footjies van ongeveer R5 550 en koste van visum en reisversekering wat volgens eie behoefte bepaal word (sien NIE INGESLUIT BY DIE TOERPRYS NIE).

INGESLUIT BY DIE TOERPRYS:

- Retoervlug met **Swiss Air** vanaf **Johannesburg** via Zürich na **Luxemburg** en terug met Swiss Air vanaf Zürich na Johannesburg
- Akkommodasie: ses nagte op die MS Leonardo da Vinci op die **middeldek** en een nag onderweg na en twee nagte in die omgewing van Oberammergau
- Vervoer per luukse bus
- Besoek Saarburg na aankoms en voor inskeping
- Opwindende bootvaart vanaf Remich tot in Strasbourg. Alle kajuite het buitevensters en kyk uit op die rivier. Stap verskeie kere aan wal by Trier, Cochem, Koblenz en Rudesheim.
- Begeleide stadstoere in Luxemburg en Heidelberg
- Drie etes per dag plus gratis tee, koffie en drinkwater op die boot
- Twee etes per dag in hotelle
- Afrikaanssprekende toerleiers vergesel groep
- Verblyf (twee nagte) en twee etes per dag in die omgewing van Oberammergau
- Passiespelpakket wat Kategorie 1-Passiespelkaartjies en Engelse handleiding insluit
- Keer terug op **8 Augustus** vanaf **Zürich** en land op **9 Augustus** in **Johannesburg**

NIE INGESLUIT BY DIE TOERPRYS NIE:

- Lughawebelasting: Die lughawebelasting is gekoppel aan die wisselkoers en beloop ongeveer **R4 250** per persoon
- Footjies: Toerleiers oorhandig dit namens u aan die busbestuurders, boot-, hotel- en ander dienspersoneel. Footjies per persoon: **± R1 300**
- Visums: U benodig 'n Duitse Schengenvisum. Die koste beloop nou ongeveer **R1 894** (€80 plus diensfooi van ± R454). Volledige inligting oor die visumaansoekproses volg later in 'n Omsendbrief.
- Reisversekering waaroor u later volledige besonderhede sal kry
- Persoonlike uitgawes soos telefoonoproepe, aandenkings, drankies, ekstra verversings ens.
- Paspoorte – verkryging daarvan (indien van toepassing)
- Vervoer na en van SA lughawens
- Binnelandse aansluitingsvlugte na O.R. Tambo-lughawe (indien van toepassing)
- Enkelverblyfbybetaling (indien van toepassing): R7 750
- Dit is moontlik om 'n kajuit op die **boonste dek** te kry teen 'n bybetaling van **R2 300** per persoon.

Oberammergau: NB: Daar is nie enkelkamers in Oberammergau beskikbaar nie. Sien ENKELVERBLYF, BELANGRIK hiernaas.

ENKELVERBLYF

Toerlede kan enkelverblyf op die boot asook in die hotel oppad na Oberammergau kry, mits hulle bereid is om 'n bedrag by te betaal – sien vorige punt. Alternatiewelik kan u versoek om met een van die ander enkelopende toerlede 'n kajuit/kamer te deel, indien u nie die enkelbybetaling wil maak nie.

BELANGRIK: Daar is nie enkelverblyf in Oberammergau beskikbaar nie. Indien u as enkeling reis, moet u bereid wees om in Oberammergau (twee nagte) met een van die ander enkelopende toerlede 'n gastehuis/hotelkamer te deel. Ons sal poog om uit die enkelopende toerlede die mees geskikte plasings vir akkommodasie in Oberammergau te maak. Indien 'n enkelkamer wel beskikbaar is, kan 'n enkelbybetaling nodig wees.

INSKRYWING

Vul asseblief 'n Inskrywingsvorm in, al het u dit reeds voorheen gedoen. Sodoende kan ons seker maak dat ons u mees onlangse besonderhede het en dat daar nie verwarring ontstaan nie.

'n Inskrywing is geldig wanneer ons u Inskrywingsvorm, Vrywaring en deposito ontvang het. Die Inskrywingsvorm moet volledig voltooi word met u **volle name soos dit op u paspoort verskyn!**

U ontvang binnekort Omsendbrief 1 met alle nodige besonderhede in verband met klere wat u moet saamneem en dies meer. Daarna ontvang u nóg omsendbriewe met nuus en inligting.

BEREKENING VAN TOERPRYS

'n Toerprys bestaan hoofsaaklik uit die koste van die vliegkaartjie plus die landreëlings en kan aangepas word indien omstandighede buite ons beheer dit noodsaak. Die vliegkaartjie se prys verander nie. Die lughawebelasting kan verander aangesien dit aan die wisselkoers en brandstofpryse op die dag van uitreiking gekoppel is.

DEPOSITO

Daar is verskillende deposito's ter sprake: 'n Passiespeldeposito en 'n Toerdeposito.

Passiespeldeposito:

Die Passiespeldeposito is **R12 000 per persoon.**

Toerdeposito:

Die Toerdeposito beloop **R8 000 per persoon.**

FINALE BETALING

Die volle toerprys plus alle ander geld (fooitjies, versekering ens.) vir die toer moet vóór **26 April 2022** betaal word. (Tref asseblief vroegtydig die nodige reëlings dat u geld betyds beskikbaar is.) **LW: Soos met alle toere, is die prys van dié toer gekoppel aan faktore buite ons beheer wat die toerprys en toerprogram kan beïnvloed.**

WYSE VAN BETALING

- Vliegkaartjies en lughawebelasting kan per kredietkaart of direk aan CvW-Toere betaal word. U sal op die Vliegkaartjiebestelvorm wat u met Omsendbrief 1 ontvang, u keuse van betaling kan invul.
- **Bankdeposito/EFT:** Die res van die toerprys (landreëlings) word direk aan Christine van Wyk-Toere betaal deur inbetalings/elektroniese oorplasinge, **nadat u inligting in 'n omsendbrief daaroor ontvang het.**
- **Kontantinbetalings:** Alle geld wat in banknote inbetaal word, moet die ekstra kontantinbetalingskoste insluit. Vra asseblief u bank hoeveel dit beloop (ongeveer **1% van die inbetalingsbedrag** kan hiervoor begroot word).

Bankbesonderhede:

Christine van Wyk-Toere

Standard Bank Tjekrekening (Lopende rekening / Current account)

Takkode: **051001**

Tjekrekeningnommer: **410 722 782**

NB: Gebruik u voorletters en van as verwysing (nie die toer se naam of u noemnaam nie) **met betalings!**

KANSELLASIE

Indien u genoodsaak is om u toer te kanselleer, geld die volgende voorwaardes en terugbetalings:

Passiespelpakkette

Passiespeldeposito's word deur CvW-Toere aan die Passiespelkantoor in Oberammergau volgens hul sperdatums oorbetal. Omdat CvW-Toere die volle Passiespelpakkette aan Oberammergau oorbetal, loop ons die risiko om die geld te verloor indien u u bespreekte plek op 'n toer kanselleer en dié plek nie deur iemand anders geneem word nie. Ons sal ons bes doen om u Passiespelpakket te probeer verkoop sodat ons dit aan u kan terug betaal indien u genoodsak is om te kanselleer.

Toerprys

Ingeskrewe toerlede wat vóór **26 Maart 2022** skriftelik kanselleer, kry **R7 500** per persoon van die toerdeposito terug. Toerlede wat **daarná, tot 26 April 2022** kanselleer, kry **R7 000** per persoon terug. Indien 'n toerlid genoodsaak is om vanweë siekte te kanselleer voordat die finale toerprys betaal is (dit wil sê vóór **26 April 2022**), word die volle deposito minus R500 per persoon by voorlegging van 'n doktersertifikaat terugbetaal.

Sodra die nodige reisversekeringspolis wat vir kansellasiedekking voorsiening maak uitgeneem is, kan u, indien u moet kanselleer, u geld vanaf die versekeringsmaatskappy terugeis. Dit geld slegs indien die rede vir kansellering kragtens die polis aanvaarbaar is. Volledige besonderhede oor reisversekering word aan almal wat inskryf, gestuur.

Toerdeposito's van toerlede wat kanselleer, word terugbetaal na afloop van die toer.

VLIEGKAARTJIES EN EIE VLUGTE

Alle vliegkaartjies word deur **FERNWEH TRAVEL** uitgereik. Die toerprys sluit vliegkaartjies in, maar nie lughawebelasting en binnelandse aansluitingsvlugte na en van Johannesburg nie.

Indien u nie van die groepvlug gebruik maak nie, kan die koste van die groepvlugkaartjie van die toerprys afgetrek word. Die afslag ter sprake is: **R9 990**.

Konsessiehouers en persone met eie vlugte kan hulle in Luxemburg, of waar elders ooreengekom, by die toergroep aansluit. Die groep land om 10:05 in Luxemburg met LX 750.

DIE BOOT

Die **MS Leonardo da Vinci** se kajuite is op twee dekke. Die dubbelkajuite is dieselfde grootte en die sig vanaf albei dekke is uitstekend. Die kajuite het twee enkelbeddens en ingeboude kaste. 'n Aparte badkamerarea in elke kajuit beskik oor 'n stort, wasbak en toilet. **Kajuite is op die middeldek.** Dit is moontlik om op te gradeer na die boonste dek teen ekstra koste. Terwyl die boot vaar, kuier almal gewoonlik heerlijk in die ruim sitkamer of op die dek. Die sitkamer het gemaklike stoele en die omgewing kan van daar deur die groot vensters bekyk word. Gratis tee, koffie en drinkwater is 24/7 by die kroeg beskikbaar. Rokers word beperk tot spesifieke areas op die sondek.

WEGBREKERS

Dit is moontlik om voor of ná afloop van die toer op u eie te reis (met ander woorde van die bestaande toerprogram weg te breek). Die lugdiens hef 'n wegbrekersfooi van ongeveer R500 indien u u groepvlug wil aanpas.

PASPOORTE (DRINGEND!)

Maak asseblief seker dat u paspoort vir minstens 3 maande ná u terugkeerdatum uit Europa geldig is. Daar moet ook genoeg skoon bladsye, vir veiligheid minstens drie, in u paspoort wees. Dit is vir visums en doeanestempels.

MINDERJARIGES WAT SAAM MET U REIS (Indien van toepassing)

BAIE BELANGRIK: Alle visumaansoeke vir minderjariges moet saam met 'n oorspronklike *unabridged*-geboortesertifikaat ingedien word. 'n *Unabridged birth certificate* verskil van die standaardgeboortesertifikaat wat deur Suid-Afrika se Departement van Binnelandse Sake uitgereik word. Dit bevat onder andere die kind asook albei ouers se volle name en identiteitsnommers op één, amptelike dokument.

Kontak ons indien u beplan om minderjariges saam met u op reis te neem.

GESONDHEID EN TOERFIKSHEID

Dit is vanselfsprekend dat iemand wat oorsee wil reis, se fisieke en emosionele gesondheid van só 'n aard sal wees dat hy/sy redelik onafhanklik oor die weg kan kom.

Hierdie toer is nie veeleisend nie, maar toerlede wat nie onafhanklik oor die weg kan kom nie, moet 'n toermaat/familielid saamneem wat hulle kan help en na hulle kan omsien sodat hulle nie heelyd van mede-toerlede afhanklik sal wees of die groep se belange op enige manier benadeel nie.

Basiese riglyne vir toerfiksheid is dat 'n mens onafhanklik in-en-uit 'n toerbus of boot moet kan klim, onafhanklik 'n stel van 15 trappe, insluitend roltrappe, kan klim en ongeveer 1 km op jou eie moet kan stap. 'n Mens moet deurentyd jou eie handbagasie kan hanteer en bereid wees om jou groot (inweeg)tas by jou hotelkamer te besorg indien daar nie bagasiediens beskikbaar is nie. U moet bereid wees om op eie koste 'n huurmotor te gebruik indien 'n besoekpunt tydens die toer vir u te ver is om te stap. Indien u nie aan hierdie riglyne voldoen nie, MOET u iemand saamneem wat na u kan omsien.

BEWYS VAN INENTING

Dit blyk dat bewys van inenting teen die Coronavirus noodsaaklik is vir internasionale reis. Hoewel Europese lande hul Covid-maatreëls verslap, vereis die Duitse Ambassade 'n inentingserifikaat.